


Jahkeraporta 2020/2021
Finnmárku ja Romssa oahppi-, fidnooahppi- ja
givssidanáittardeaddjít



Illustrasjon: Kine Kjær

Áittardeaddjigeahčastat Romssa ja Finnmárku mánáidgárde-, skuvla- ja oahpahusbirrasiidda



Troms og Finnmark fylkeskommune
Romssa ja Finnmárku fylkkagielda
Tromsan ja Finmarkun fylkinkomuuni



Jahkeraporta

mihtte mánáid ja nuoraid árgabeaivvi áittardeaddji-geahčastagain, ja oktagasa ja vuogádaga šaldu (oktiičadni) rollas. Mii buktit konkreta **neavvagiid** ja rávvagiid, mat veahkehit dahkat **dorvvolacčat** bajásšaddanbirrasa.




Sisdoallu

- 4 Áittardeaddjigeahčastat
- 6 Geat leat áittardeaddjit? Ja maid mii bargat?
- 7 Min diehtovuođus ja árvogeađgejuolgi
- 8 Gii muitala, ja gii lea muitalkeahttá? Gii oaidná, ja gii lea oainnekeahttá?
- 9 Maid mii dahkat dainna maid diehtit?
- 10 Statistihkka: Muitalusat loguid duohken
- 14 Beroštangárta - Mánáidgárdi/vuođđoskuvla
- 16 Beroštangárta - Joatkaoahpahus
- 18 Leatgo mánná dahje nuorra Romssas dahje Finnmarkkus?
- 20 Muitalusat loguid duohken - Olggušteapmi ja searvevuoda mearkkašupmi
- 22 Searvevuoda mearkkašupmi
- 23 Átesmielalaš gii mearrida gii lea siskkabealde ja gii lea olggobealde
- 24 Rávesolbmoloavkideamit
- 26 Omnimodealla - Searvevuodabargu geavadis
- 28 Mánáidgárdi - Vuodđoskuvla - Joatkaoahpahus
- 32 Oahppi- ja fidnooahppi- ja givssidanáittardedddjiid jurdagat manjil skuvlajagi 2021/2022
- 34 Áittardedddjiid rávvemat
- 36 Analysalatnja
- 38 Iskanlistu doaibmanplána várás
- 39 Romssa ja Finnmarkku áittardeaddjibálvalus - geaidnu ovddas guvlui



ÁITTARDEADDJIGEAHČASTAT

- Áittardeaddjit skávhlesoppiid ja juvlafiellostelliid gaskkas



«It dárbbaš váldit mielede skávhlesoappi, mus lea soabbi mii lea doarvái stuoris bohkaide».

Mánát geat šaddet bajás guollebivdohápmanis (gávpogis dahje eará báikkis gos skávhllit bessejít), dárbbasít diehtit ahte skávhli galgá bállet leabus lállit maniidis juos beassi lea stoahkanšilju guoras. Mánát dárbbasít diehtit mo galget johtalit skávhlebesiid gaskka almmá muosehuhtekahttá lottiid bessedettiin. Mánát ohppet árrat mo galget veahkkin fáiput muttágis guhkes skávhlesoppiin amas skávhli govuhit beare lahka. Dát lea diehtu ja máhttua man dárbbasát go leat olgun stoahkamin ovttas

Áittardeaddjit barget beaivválačcat iešguđet kultuvraaid ja olbmuid ja eallinvugiid gaskkas min hearvás ja girjás fylkkas. Iešguđetlágan árgabeaihistorjját gáibidit iešguđetlágan lahkanemiid gulahallamii ja áddejupmái.

Áittardeaddjibarggu guovddážis lea ahte galgá árvvusatnit girjáivuođa ja ahte mii eallit iešguđege kultuvrás. Áittardeaddjit háleštit vahkkosačcat mánáiguin, nuoraiguin ja sin vähnemiiguin. Mii gullat eatnat muiatalusaid mánáid ja nuoraid árgabeaieallimiin iežamet fylkkas. Mii deaivat mánáid ja nuoraid geat muiatalit šiega ja veahkkás bargiid birra mánáidgárddiin, skuvllain ja oahppofitnodagain. Sii muiatalit buriid ustibiid birra, ja sii vásihit ahte olugat beroštit ahte sis lea buorre dilli juohke áidna beaivvi.

Mii deaivat maiddái mánáid ja nuoraid geat muiatalit áibbas nuppeláhkai. Vássán jagi leat gullan badjel 200 muiatalusa olgušteami birra,

nuppiiguin mánáiguin. Go dus lea ustít geas lea skávhlesoabbi, ustít gii diehtá mo galgá giedžahallat skávhlesoappi, gii oadjuda du ahte «Mus lea skávhlesoabbi mii lea dárbahassii midjiide buohkaide», gal de lea dorvolaš vaikko vel ieš it leat doarvái stuoris ja valli viehkalit dahje fáiput skávhlesoppiin.

(Skávhlesoabbi = soabbi man olmmoš doallá loktosii amas skávhli govuhit nu lahka go olmmoš vázzá skávhlebeasi meattá.)

ja dan birra go olmmoš ii válđojuvvo duođas go viggá muiatalit muhtin rávesolbmuide. Mii válljet juogadit muhtin muiatalusaid maid mii gullat. Dan dahkat mánáideamet ja nuoraideamet bealis. Veahkehítgo dát muiatalusat buorebut áddet maid olgušteapmi mielddisbuktá, vai fertešitgo don ieš vásihit olgušteami vái áddešit maid dát mearkkaša? Veahkehítgo min mánáid ja nuoraid muiatalusat nuppástuhttit miellaguottuid nu ahte ain eambbosat veahkehít aktiivvalačcat searvadit luohkkálanjas, friijaminuhtain, riegádanbeabovdejumiin ja bovdejumiin ovttastallat maŋŋilgaskabeivviin ja eahkediin? Mii doaivut dan.

Mii oaidnit – mii gullat – mii diehtit, ja danne áigut geavahit iežamet jienä dihtomielalačcat fuopmášuhttit barggu searvevuoda nannemiin min girjás servodagas.

Mii leat buohkat oassi searvevuodás, moai duinna maid.

Geat leat áittardeaddjit? Ja maid mii bargat?

Romssa ja Finnmarkku fylkkagieldda politihkkarat beroštit ahte leat buorit ja oadjebas bajásšaddandilit miehtá min guhkes fylkka, ja sii beroštit ahte mánát ja nuorat galget oažžut rivttes veahki go dan dárbbasit. Romssa ja Finnmarkku politihkkarat leat mearridan ahte mánain ja nuorain galget leat olámuttolaš, sorjjakeahthes máhttoolbmot geaiguin sáhttet váldit oktavuođa juos vásihit ahte eai oaččo dárbahassii buori veahki iežaset mánaidgárddis, skuvllas ja oahppofitnодагас. Danne leat politihkkarat virgáibidjan guokte givssidanáittardeaddji ja ovta oahppi- ja fidnooahppiáittardeaddji geain lea fápmudus veahkehit ja geahčat bearrái ahte mánát ja nuorat ožžot rivttes čuovvuleami ja veahki olles oahppogearddi ollodahkii. Áittardeaddjit dovdet bures lágaid ja njuolggadusmearrásaid mat gusket mánáiđ vuogatvuodaide. Mis lea áššáiguoskevaš oahppu ja bargohárjáneapmi mánaidgárddiin, skuvllain ja dáid jođiheamis. Mii leat hárjánan vahnendillái, ja mii dovdat oahppovuogádaga. Dán mii geavahit aktiivvalaččat áittardeaddjibargguineamet.



Buot dát buohkanassii veahkehit geavahit ámmátlaš ja fágalaš geahčastaga smiehttat doaibmabijuid hearkkes mánáid ja nuoraid várás. Dán mii gohčodit áittardeaddjigeahčastahkan, mii:

**Guldala
Guorrasa
Lađastallá/analyse
Dahká**

Áittardeaddjigeahčastat atná láhkamearrásaid vuolggasadjin. Mánaidgárdelága kap. 8 ja oahpahuslága kap. 9A lohket čielgasit ahte máná ja oahppi subjektiiva vásihu su iežas dilis galgá adnojuvvot vuodđun árvvoštallat mii galgá dahkojuvvot. Mánaidkonvenšunna art. 3 máná



buoremusa árvvoštallamiid hárrái lea buot min árvvoštallamiid vuodđu. Lassin mii doaibmat álo mánaidgárddiid ja skuvllaaid árvovuđđosa hárrái nugó dat lea váldahuvvon mánaidgárdelága § 1:s ja oahpahuslága ulbmilpararáfa § 1-1:s.

Áittardeaddjigeahčastagain mii mannat iešguđege bivdagii/ čuolbmaásahepmái, ja mii diehtit ahte ovttaskas olmmoš deaividá mánngadáfogis vuogádagaid. Min rolla lea čuovvut láhkamearrásaid, meannudit neutrálalaččat ja doarjaleaddjin, vihkkehallat ášši ovta láhkai buot oasálaččaide, áigequovdilis lága ja njuolggadusmearrásaid vuodđul.

MIN DIEHTOVUODUS JA ÁRVOGEAÐGEJUOLGI:

Romssa ja Finnmarkku oahppi-, fidnooahppi- ja givssidanáittardeaddji eai gáržžit givssidanandoahpaga láhtemii, muhto atnet gaskavuođalaš (relašuvnnalaš) ja vuogádatguoskevaš (systemalaš) lahkaneami givssideapmai. Mii bargat meroštallamiid (definišuvnnaid) vuodđul mat čatnasit čádjidan sosiála proseassaide, ja olbmuid dárbbuid vuodđul gullat searvevuhtii. Mii oaidnit givssideami juonin mii dáhpáhuvvá konteavstas, dihto báikkis ja oktavuođas, gos kultuvras ja gaskavuođain lea mearkkašupmi. Dát mearkkaša ahte mii eanaš muddui váldit rávesolbmuid mielde, namalassii virggehasaid ja ovddastedđiid, go lađastallat (analyseret) mánaidjoavkkuid hástalusaid. Mii jurddašit ahte máná láhtemii lea sivva, ahte dat lea mánngadáfot ja ferte gehččojuvvot olmmošlaš birrasiid oktavuođas, seammás go mii maiddái beroštit ahte givssidanláhttema ferte bissehit. Muhtimin sáhttet diagnosat (vihkeohcamat) mielddisbuktit hástalusaid mat čatnasit vurdojuvvon láhtemii, muhto dan mii jurddašit oassin didáktalaš (oahpahanoahpalaš) eavttuin. Seammás giddet fuopmášumi máná buoremussii, ja danne beroštit sihkkarastimis máná oahppanbirrasa joavkkus go minguin váldet ovttaskas vahnemat oktavuođa.

Mii bargat geažos áiggi iežamet dievasmahttit fágalaččat, ja mii smiehttat vahkkosaččat doahpagiid ja geavadiid hárrái. Lassin leat mii mielde gealboloktemiin ja konferánssain nationálaččat ja internacionálalaččat.

Geahčas min árvodokumeantta dáppe: https://www.tffk.no/_f/p1/i74a2f142-e055-495b-8673-92e8e3fe4d7c/verdidokument-for-elevlarling_mobbeombudene-i-troms-og-finnmark.pdf

GII MUITALA, JA GII LEA MUITALKEAHTTÁ? GII OAINNÉ, JA GII LEA OAINNEKEAHTTÁ?

Mii diehitit ahte leat olugat geat vásihit olggušteami, oktonasvuoda ja givssideami, eage muital dan geasaga, eai áittardeddjiidege. Mii diehitit ahte olu mánát ja nuorat eai dieđe ahte áittardeaddjibálvalus gávdno. Áittardeaddjit dárbašit veahki muitalit ahte mii gávdnot, ja mii dárbašit eanet geahčastagaid mat oidnet ja guldalit min nuoramus ássiid muitalusaid.

Muhtin muitalusaid sáhttá lohkat statistikhkaid bokte rukses ivdnin oahppiguorahallamis, dahje %:n Nuorradahtaguorahallamis, muhto mii jurddašallat:

- Gii leat dat nieida dahje gánda gii roahkadii russet ahte son lea oktonas, sus ii leat oktage geainna ovttastalašii friijaminuhtas?
- Gii lea dat nieida dahje gánda gii jáhkii ahte son oažu veahki juos russe skovvái?
- Orrugo Bearalvágis, Skiervvás, Finnsnesas vai Várggáin?
- Duostágo muitalit oktonasvuodjas ja olggušteamis iežas váhnemiidda?
- Duostágo muitalit gean nu virggehassii gii bargá skuvllas?
- Duostágo muitalit áittardeddjiide?

Muhtimat eai duostta muitalit dannego ballet dili šaddamis vearrábun juos dieđihit mii dáhpáhuvvá. Lea buorre ahte mánát, nuorat ja sin váhnemati muitalit. Juos don muitalat, de sáhtát oažzut veahki!



Guhkes friijaminuhta © Marius Henriksen, Distr. Strandcomics.no

MAID MII DAHKAT DAINNA MAID DIEHTIT?

Mánáid ja nuoraid bealis geat minguin váldet oktavuođa, mii geahčcalit gávdnat nu buorre veahki go vejolaš sin iežaset oahppanbirrasis. Mánáidkonvenšvdna, mánáidgárde- ja oahpahus- ja bargobirsláhka galget čuvvojuvvot. Son gii minguin váldá oktavuođa, beassá minguin gávnnadettiin vásihit ahte mii guldalit su muitalusaid, mii dohkkehit dan mo mánát ja nuorat subjektivvalačcat vásihit iežaset dili. Mii lađastallat čuolbmaásahemiid ovttas eará fágaolbmuiguin, nu ahte mii ovttas dakhak doaimmaid mat buoridit dili.

Mii dárbašit buoret áddejumi das mo buohkat, ávccát BUOKAT, sáhttet leat mielde uhcideamen olggušteami ja nannemin searvevuoda aktiiva daguid bokte árgabeaivvisteaset. Áittardeddjiid áhpu dán oktavuodas lea earret eará gárgedit OMNI-modealla man mii ovdanbuktit maŋnelis dán raporttas.

<https://omnimodellen.no>



Statistihkka: Muitalusat loguid duohken

In duostta
muitalit

Dilli vearrána
dušše

Áittardeaddjibálvalusa álggaheami 01.05.2017 rájes leat oahppi-, fidnooahppi- ja givssidanáittardeaddjit vuostáváldán **1229** albmadeami. Dáid dieðáhusaid vuostáválddedettiin, ja sártnodettiin mánáiguin, nuoraiguin ja váhnemiiguin mii oahppašuvvat muitalusaide main lea iešguhtege oaidninsadji. Áittardeaddjít árvvoštallet doaibmabijuid iešguhtege oktavuoðas mat vuodðuduvvet máná buoremusa prinsihppii, áigeguovdilis lága lassin. Skuvlajagi 2021/22 mii leat vuostáváldán **208** albmadeami mat mánnašit

vuogatvuoda oadjebas ja buorre mánáidgárde- ja skuvlabirrasii, vrd. mánáidgárdelága kapihtaliin 8 ja oahpahuslága kapihtaliin 9a. Lassin lea oahppi- ja fidnooahppiáittardeaddji vuostáváldán 46 albmadeami mat mánnašit eará osiid oahpahuslágas ja bargobiraslágas. Mánga dán mánnašit oahpahanvuogatvuodaaid, sisdoalu ja árvvoštallama, oahposoahpmušaid ja maiddái vuogatvuodaaid ja geatnegasvuodaaid mat oahppofitnodagain leat.

In luohte
rávesolbmuide

Munnje
eai jáhke


Dan maðe gal
ferten gierdat

STATISTIHKA MII ČÁJEHA ALBMADEMIID

GOVUS 1

Govus čájeha mo albmadeamit juohkásit iešguðetge jahkechkiide

75 proseantta albmadeemiin givssidanáittardeaddjiide gusket diliide mat leat vuodðoskuvllas. Loguid dáfus mearkkaša dát ahte mannan lagi ožžo givssidanáittardeaddjit albmadeemiid 156 ášsis mat gusket mánáidceahkkái (1. - 4. luohkkái), gaskaceahkkái (5. - 7. luohkkái) ja nuoraideahkkái (8. - 10. luohkkái). Go mii ovddit lagiid leat oaidnán ahte nuoraideahkis leat albmadeamit lassánan, de leat mii dán skuvlajagi ožžon eanemus albmadeemiid mat čatnasit gaskaceahkkái.



GOVUS 1

Čájeha mo albmadeamit leat juohkásan iešguðetge jahkechkiide

- Mánáidgárdi
- 1.-4. luo.
- 5.-7. luo.
- 8.-10. luo.
- JS
- Bajássaddanbiras

GOVUS 2

Govus čájeha mo albmadeamit oahppiin ja fidnooahppiin juohkásit skuvlajagi 2021/22 čáða

Oahpahuslága kapihtal 9a:i guoski albmadeemiid lassin lea oahppi- ja fidnooahppiáittardeaddji vuostáváldán 46 albmadeami mat mánnašit eará osiid oahpahuslágas ja bargobiraslágas. Mánga dán gusket vuogatvuodaide oahpahepmái, sisdollui ja árvvoštallamii, oahposoahpmušii ja maiddái vuogatvuodaide ja geatneagasvuodaide mat oahppofitnodagain leat.




- Oahppit
- Fidnooahppit

GOVUS 3

Govus čájeha mo minguin oktavuoða váldit juohkásit

Go mánát, nuorat ja váhnemat/ ovddasteaddjit leat oktavuoðas OFGÁ:in - oahppi-, fidnooahppi- ja givssidanáittardedjiiguin - de addojuvvo sidjiide bagadallan ja doarja láhkamearrádusain, njuolggadusain ja gáibádusain mánáidgárdái, skuvlii ja oahppofitnodagaide. Go fágainstánssat/ virggehasat váldet minguin oktavuoða, de mannat analysalatnjií ja fállat fágalaš analysa/laðastallama, árvvoštallamiid ja smiehttamiid mat galget veahkehit konkretiseret doaibmabijuid.




GOVUS 3
Čájeha juohkáseami geain albmadeamit áittardedjiide bohtet.

GOVUS 4 JA 5


čájeha áittardedjiid buohkanas vehkiid njuolggooahkkimiin lagi 2021/2022

Áittardeaddjit veahkehedje 422 eanjkilbargogohčumis lagi 2021/2022. Mannan mánáidgárde-/ skuvlajagi leat Romssa ja Finnmarkku OFGÁ - oahppi-, fidnooahppi- ja givssidanáittardeaddjit - doaimmanhan **170** olgguldas barggu maid váldodeaddu leai bargobájjin ja fáddáeahkedin mánáidgárdiid ja skuvllaaid virggehasaid ja váhnemiid várás. Čakcat 2021 álggaheimmet Analysalanja veahkkin ja doarjan fágainstánssaide ja earáide geat dárbbašit «fáhkka» veahki árvvoštallat váttis ássiid. Jagi 2021/2022 čađahuvvojedje 41 analysalanja.



GOVUS 4
Čájeha Áittardedjiid barggu eastademiin ja gealboloktemiin

- Mánáid/nuoraid galledeamit luohkáin, skuvllaín, oahppofitnodagain
- Fáddáeahkedat váhnemiidda
- Bargobájjit skuvllaaid, mánáidgárdiid ja oahppofitnodagaide virggehasaide
- Fágashkavuorut eará fágainstánssaide ja oahppointitušvunnaide
- Analysalatnja vuogádatdásis



GOVUS 5
Áittardedjiid lagi 2021/2022 bidjosa leat 422 veahkeheami


- Eastadeapmi ja gealbolokten: 170. 40 %
- Albmadeamit eanjkiláššiin: 252. 60 %

BEROŠTANGÁRTA

► BEROŠTANGÁRTA MÁNÁIDGÁRDI/ VUOÐÐOSKUVLA

Deatalaš oassi áittardeaddjirollas lea oinnolačcat oassálastit iešguđet arenaide váikkuhan dihtii mánáid ja nuoraid bajásšaddanbirrasii nu bajásráhkadeaddji vuogi mielde go vejolaš. Danne mii leat oahppaladdan máŋga skuvlla gos čoahkkimat ohppiiguin leat leamaš guovddážis, ja iešguđetlágan bargobájít/čoahkkimat/sáhkavuorut váhnemiiguin, virgegehasaiguin, iešguđet veahkkeinstánssaiquin, astoáigeaktevraiquin, politihkkariiguin, Stáhtahálldašeddjiin ja Oahppodirektoráhtain.


Oppalaš geahcaldat čájeha ahte skuvlajagi 2021/2022 leat duššefal 4 gielddaa min fylkkas (Ivvárstádik, Davvisiida/Leaibbessiida, Várggat ja Porsáŋgu) mat eai leat leamaš oktavuođas áittardeddiigui man nu láhkai. Gárta čájeha maiddái guđet gielldat ja skuvllat leat čálalačrat dávistan áittardeddiid jahkeraportii.



BEROŠTANGÁRTA

►► JOATKKAOAHPAHUS:

Mannan oahpahusjagi lea oahppi- ja fidnooahppiáittardeaddji vuostáváldán 89 ovttaskas albmadeami, ja lea doaimmahan 69 bargogohčuma main válodgeaddu lea leamaš oahppaladdamis joatkaoahpu 1 luohkáid, ohppiiráđiid ja fidnooahppičoahkkaneamii. Oahppi- ja fidnooahppiáittardeaddji lea oahppaladdan 13 skuvlla Romssas ja ovta skuvlla Finnínkkus. Skuvlaoahppaladdamiin lea áittardeaddji deaivan 36 iešguđege joavkku ohppiid ja virggehasaid, ja lea oassálastán 10 fidnooahppičoahkkaneapmái.





Govvejeaddji: Unsplash.com

LEATGO MÁNNÁ DAHJE NUORRA

Romssas dahje Finnmarkkus?

Leatgo mánná dahje nuorra Romssas dahje Finnmarkkus, ja leatgo soamis gii

- it dieđe geas sahtáshit jearrat?
- it duostta hállat/hoallat/hupmat soapmáisiin gean dovddat?
- it leat ožzon veahki vaikko leat geahčalan dieđihit muhtin rávesolbmuide?

DALLE GALGGAT DIEHTIT:

Áittardeaddjit veahkehit du, ja min gávnнат álkit ságaide – ringes midjiide telefovndnii 904 76 498, geavat min oktavuođaskovi liŋkkas <https://www.tffk.no/tjenester/skole-og-opplaring/elevtjenester/elev-larling-og-mobbeombud/mobbeombud> dahje sáddes diedáhusa Messenger bokte Facebook-siidduin, de mii váldit oktavuođa ovdalgo 48 diimmu vássel.


Govvejeaddji: Ørjan Marakkatt Bertelsen



Mii geat vástidit leat oahppi-, fidnooahppi- ja givssidanáittardeaddjit Anita, Jon-Halvdan dahje Gøril.

Mis lea jávohisvuodageasku, ja mii veahkehit gávdnat buriid ja šiega olbmuid geat sahttet du veahkehit viidáseappot.

Mánáid ja nuoraid bealis leat mii gievrrat ja luohttevaččat, šiegat ja nanudáhtogat. Mii leat du luhtte, eatge mii vuollán!



- Olggušteapmi ja searvevuodža mearkkašupmi

Mannan áittardeaddjijagi ollodahkii leat mii oahppašuvvan 208 mualussii main mánát ja nuorat leat mualan árgabeivviid birra go leat vásihan olggušteami, ja go eai válđojuvvon duođas go geahčaledje mualit soames rávesolbmuide.

Mualusat bohtet miehtá Romssa ja Finnmarkku. Mualusaid givssideamis ja olggušteamis gullat giliin ja gávpogiin, smávva skuvllain ja stuorra skuvllain. Áitagat ja vašiláhttesteamit bohtet maiddái du ruktui sosiála mediaid bokte:



Govvejeaddji: Unsplash.com

Mii leat buohkat ovta oaivilis ahte diekkáriid ii galgga oktage mánná vásihat. Goitge dat dáhpáhuvvá - juohke áidna beaivi! Dál maid dán logadettiin.

Dan botta go dán leat lohkamin, oažu nubbi eará nuorra ođđa vašsás láhttestami:
«don dieđát ahte don leat 0-NULLA-veara, ja ahte ii oktage dán lanjas hálit du leat dáppe».



Geasa dát nuorra galgá mualit, ja mii dárbašuvvo ovdalgo dát nuorra duostá mualit?

Mo galgá dát nuorra oadjut ahte:

- su váldet duođas?
- sutnje jáhkket?
- rávesolbmot dáhttot, ja sáhttet, bissehit givssideami?

Mo oažu nuorra olmmoš oadjebasuoda mualit?

Leago buot rávesolbmuin vejolašvuohta dahkat juoidá buori?



Searvevuodja mearkkašupmi

Guđiid searvevuodaid don ieš válljet ja guđet searvevuodat válljašuvvet du gullevašvuoda bokte bearrašii, gillái, mánáidgárdejovkui dahje du skuvlaluohkkái? Luohkká masa don soaittahagas biddjouvvot šaddá ohppiid, váhnemiid ja oahpaheddiid joavkun mii galgá dahkat vuđosa du oadjebasvuhtii ja gullevašvuhtii geažos bajássaddama. Dát bajássaddan galgá bistic eallinagi. Dáppe, dán searvevuodas, mánáidjoavkkus oktan mánáidgárddi bargiiguin, luohkkálanjas oktan skuvlla bargiiguin, gilis dahje gávpogis oktan váhnemiiguin maŋná skuvllaáiggi, joavkoproseassat čađat nuppástuvvet, ja dáppe mis buohkain lea vejolašvuhta dahkat mávssolaš ja dihtomielalaš daguid olgušteami geahpedemiin.

Mat leat du vásihuusat iešguđet sosiála searvevuodain main don joreštat vahku ollodahkii?

- Bovdejuvvotgo čohkkát geainna/geaiguin nu bottuin?
- Leago giige gii sádde dutnje diedáhusa jearrat gosa don leat šaddan go it boade?
- Leatgo don okta dain geat golladit boradanbottu hivssegis čohkkát, amas leat nu oinnolaš ahte dus ii leat oktage geainna ovttastallat?



Guhkes friijaminuutta © Marius Henriksen, Distr. Strandcomics.no

Átesmielalaš gii mearrida gii lea siskkabealde ja gii lea olgogbealde

Mii diehtit ahte báikkálaš kultuvras ja kultuvralaš girjáivuodas lea stuorra mearkkašupmi, ja danne mii bargobájiineamet ja váhnenčoahkkimiinnámet bovdet smiehttat báikkálaš kultuvras mii lea báikkis gos mii leat. Ovttas problematiseret maid átesmielalaš sáhttá mearkkašit vejolašvuodaide mat mánain ja nuorain leat mánáidgárddiin ja skuvllain. Átesmielalaš lea čoahkkenamahus mii govvida juoruid, mearkalihpuid ja meanddi maid muhtin bearrašat gilis dahje gávpogis leat ožzon. Sáhttet leat heajos mitalusat bearrašiin mat čuvvot árbbi, ja dáin šaddá mearkkašupmi mánáide ja nuoraide dál. Mearkkašupmi vuordámušaid bokte mat sidjiide biddjouvvojit, dan hárrái geat sii leat ja maid sii máhttet, ja miellasepmosit dan hárrái maid sii eai máhte ja maid sis ii sáhte vuordit. Dakkár heajos mitalusat sáhttet leat mielede rivvemin mánain ja nuorain sin vejolašvuodaid.

► **Guđiid átesmielalaččaid don dovddat? Guđe rolla dus lea átesmielalačča ektui?**



Rávesolbmo- loavkideamit

Min statistikhka čájeha ahte **19** albmadeami (9%) máinnašit rávesolbmoloavkidemiid, ja ahte árvvoštallojuvvojit ja gieðhallojuvvojit Oahpahslága § 9a-5 mielde: «Čavgejuvvon doaibmangeatnegasvuohtha juos oktage gii bargá skuvllas, loavkida oahppi.». Mii deaividit problematihka velá eará áššiin. Máŋgga muiṭalusas maid gullat, lea sáhka rávesolbmuin geat man nu láhkai loahpas loavkidit mánáid ja nuoraid, sihke dan bokte maid veltet bargamis dahje aktiiva daguid bokte. Sáhttet leat virggehasat dahje váhnemát geat eai oainne ahte mánát ja nuorat olguštuvvojit dahje givssiduvvojit, geat eai bisset negatiiva daguid ja loavkideaddji giellageavahusa, geat jorgot čalmmiid vuolláneamis dahje loktestallet olggiid berošmeahttunvuodas go mánná, dahje nuorra, «vuohon» dahká juoidá maid ii livčče galgan dahkat, dahje geat dovddahit duhtavašvuoda go dihito mánná/nuorra ii leat mánáidgárddis dahje skuvllas dan beaivvi. Dakkár daguid dahje váilevaš daguid bokte láhčet rávesolbmot vejolašvuodaid dasa ahte mánát givssiduvvojit dahje sáhttet givssiduvvot árgabeaivvis.

Čoahkkimiin mánáidgárddiit ja skuvllaid virggehasaiguin jearahit áittardeaddjit mat rávesolbmoloavkideamit leat, ja mii oažžut olu dakkár ovdamearkkaid dego:

- **Geavahit negatiiva jávohisgiela, nugo čalmmiid jorgut**
- **Láhttet rumašlaččat, dohpet mánáid**
- **Bealkkehít máná nuppiid oaidnut/guovttá gaskan**
- **Hállat negatiivvalaččat máná gullut máná/bearraša birra**

Dat go mii oažžut olu rávesolbmoloavkidemiid ovdamearkkaid sáhttá mearkkašit ahte dát lea juoga man muhtin virggehasat barget árjjálaččat eastadit. Seammás dovddahit virggehasat ahte sáhttá leat váttis dieđihit bargoskihpáriidda ahte sin dagut eai duddjo buori. Áittardeaddjit rāvvejtit ahte rávesolbmoloavkidemiid fáttá seahztá problematiseret ovttas váhnemiiguin ja virggehasaiguin, makkár váikkuhus dain lea ja mo sáhttá eastadit dakkáriid dáhpáhuvvamis.



Omnimodealla

- Searvevuodabargu geavadis

Govvejeaddji: Unsplash.com

«Mun háliidan ahte rávesolbmot galget stivret oktasaš buðaldemiid vai mii vajáldahttit «fáktemis guhet guimmiideamet.» - 8. luohká oahppi sátnevidásteapmi.

Áittardeaddjit vásihit ahte mánga mánáidgárddi, skuvlla ja astoáigeoassádalli dáhettot ráhkadir oadjebas ja buorre oahppan- ja bajásšaddanbirrasa. Almmatge oaidnit ahte mánáid ja nuoraid lohku, geat dieðihit ahte sii vásihit loavkidemiid, givssideami ja olgušteami, bissu stáðisin. Olggušteami lea servodatçuolbma. Muhtimiid guovdu dát álgá mánáidgárdis juo.

Mii oaidnit ahte dárbbasuuvvo ahte buohkain lea oktasaš áddejupmi hástalusaid ja hehttehusaid hárrái maid mánát ja nuorat deaividit árgabeaivvisteaset.

- Mo mii áddet dan go mánát gahčet searvevuoda olggobeallai?
- Mo mii áddet dan go máná gillá givssidanláhtenvugiid?
- Leago erohus das ahte leat givssideaddji ja láhttet givssideaddjin?




Veahkehan dihtii oktasaš rážasteapmái dán suorggis leat áittardeaddjit veahkehan gárgedit Omnimodealla. Omni mearkkaša buotdivnnaga, juoidá mii gusto buohkaide, ja bajásšaddansuorggi siskkabealde govvida dát dili hui bure. Juos mii galbat jorgalahttit negatiiva treandda iežamet servodagas, gos eanet ja eanet nuorat vásihit skuvlariehkideami, olgušteami, givssideami ja psyhkalaš buohcuvuoda, de fertejut buohkat veahkehit.

Omnimodealla galgá veahkehit rávesolbmuid nugo váhnemiid, hárjeheddjiid, mánáidgárddiid ja skuvllaaid virggehasaid áddet čatnosiid ja mo dat sahttet veahkehit bajásráhkadeaddji ja doarjaleaddji láhkai huksen dihtii buriid ja oadjebas searvevuodaaid maidda buohkat dovdet gullevašvuoda.

Eanet dieðuid Omnimodeallas gávnnat dáppa: <https://omnimodellen.no/>

Omnimodealla galgá leat ráhkandanneavva ja geaidnogárta dahkat vuogádatlaš, jotkkolaš ja mearredidolaš barggu mii addá mánáide ja nuoraide oadjebas ja buriid bajásšaddanbirrasiid. Modealla galgá ráhkkanahattit rávesolbmuid geat leat iešguhtet rollas, dahkat dán barggu buoremus lági mielde juohke beaivvi, juohke diimmu ja juohke minuhta.





Vuođđo-skuvla

Joatkka-oahpahus

Mánáid-gárđi

Mánáidgárđi
- Leahkit lahka dahje ilá lahka

Áittardeaddjít ožzot juohke mánus albmadiid mánáidgárddiin mat sihtet gealboovddideaddji veahki mii čatnasa oahppanbirrasii ja váhnemiidda. Seammás vuohtit ahte bohtet máŋga albmadeami oadjebasmeahttun oahppanbirrasa hárrái mánáidgárddis. Iigo leat givssideapmi mánáidgárddis, ja eaigo leat buot mánát oadjebasat doppe? Givssidanáittardeaddjít oidnet moanaid áššiid, okta lea ahte máŋga mánáidgárddi barget bures gaskavuođaiguin, ja gaskavuođat guovdilastojuvvorit olu mánáidgárdepedagogihkas. Seammás oaidnit ahte leat mánáidgárddit mat barget juo bures, ja main leat buorit doaibmannávccat, mat váldet minguin oktavuođa. Givssidanáittardeddiid ulbmil lea olahit mánáidgárddiide geat vásihit ahte sis eai leat doaibmannávccat loktet gealbbu árgabeaivvisteaset, ja dása mii dárbašit mánáidgárdeeaggáid ja jođiheddjiid veahki.

Skuvlla ektui leat váhnemati lahka oktavuođas mánáidgárddiide virggehasaiguin, ja eanaš váhnemiin lea beaivválaš oktavuohta virggehasaiguin. Sii haleštit mo mánás lea leamaš, ja ožzot beaivválaččat áigeguovdilis dieđuid máná hárrái. Sis lea lagas oktavuohta. Seammás galget mánáidgárddit leat áicavaččat ahte go gaskavuođat šaddet nu lávgadin, de sáhttá muhtimin šaddat váddáseabbon ságastallat váttes áššiin. Váhnemati sáhttet ballat ahte sii dahje sin mánát galget šaddat suojeheapmen juos sii albmadir áššiid maidda eai leat duhtavaččat. Sii sáhttet ballat ahte sin "ustitvuohda" mánáidgárddiin sáhttá billašuvvat.

Vuođđoskuvla

- Njuolggadusat ja nullatoleránsa

KJÆRLIGHET

RESDEKT

F

TOK

Čoahkkimiin skuvllaaid virggehasaiguin, ja earenoamážit nuoraidskuvllaiguin, mii gullat dávjá mitalusaaid nuoraid birra geat rihkkot njuolggadusaid. Oahpaheaddjít golahit áiggi očcodit nuoraid nuollat olgojáhkaid go leat siste, nuollat skumpoha, snuibba dahje gahpira, ja sii headástuddet go dásá gollá nu olu áigi. Sáhttet fargga golihit logi-vihttanuppelohkái minuhta juohke diimmus dáid digaštallamiidda. Go mii dáid mitalusaaid gullat, de jearrat: «Mii dáhpáhuvvá juos ehet geavat áiggi dásá?» Áittardeaddjít vásihit ahte aiddofal dát digaštallan dovddaha ohppiid vuostehágostallama, sihke virggehasaid árvofápmui ja njuolggadusaide. Áittardeaddjít ávžot buot luohkáid ja skuvllaaid ságaškušsat skuvlla ortnetnjuolggadusaaid hárrái, ja váfistit ahte oahppit besset bures searvat dáid ráhkadeapmái. Uvajáhkka, skumotjáhkka dahje gahpir soaitá dárbašuvvot duddjot oadjebasvuoda ovttaskas oahppái luohkkálanjas.

Nugo Frode Gryten čállá:



Frode Gryten
@FrodeGryten

Gut (16) har forskansa seg i ein hettegensar.
Situasjonen har vore fastlåst i to-tre år. Dei får inn mat og drikke, men gotten kjem ikkje ut.

[Translate Tweet](#)

11:40 AM · Nov 30, 2012 · Twitter for iPhone

Makkár dagut leat buriid sániid duohken? - «Sii vástdit riekta, muhto eai daga dan.»

Menddo dávjá oidnet áittardeaddjít ahte skuvlabirasáššiid doaibmabijut nektet čáppisin báhpára alde. Guoskevačcat leat ovttamielas ahte doaibmabijut leat vuohkkasat čoavin dihtii hástalusaaid. Mo dalle go doaibmabijut eai čádahuvvo áigumušaid mielde? Áittardeaddjít oaivvildit ahte plánejuvvon doaibmabijuid váilevaš čádaheapmi ferte dagahit čuvvosiid skuvlii mii galgá guoddit ovddasvástádusa čádaheamis, ja áittardeaddjít ohcalit mearrediđolačcat giedahallama Stáhtahálldašeaddjis, geas lea vejolašvuhta addit jándorsáhkuid gieđahallama kap. 9A.

Joatkkaoahpahus

- Roahkasmuvvet diedžihit

Áittardeaddjí vásihá ahte oahppit, ohppiidráđit, skuvlajođiheaddjít, ohppiidráđiid gullahallanolbmot ja eará virggehasat váldet su bures vuostá buot skuvlagalledemiin. Áittardeaddjí lea buot ovdalaš jahkeraporttain nevvn skuvllaaid guovdilastit bargat dearvvasvuodain, loaktimiin ja oahppamiin boradanlanjas maid. Illudahtti lea vásihit ahte buot joatkkaskuvllat Romssas dál leat ožzon eaiggátvuoda iežaset boradanlatnjadoibmii. Dáppe lea stuorra potensiála mii sáhttá adnojuvvot vel buorebut barggus binnudit olgušteami.

Maŋnilgo áittardeaddjí lea fitnan skuvllain, de vásihá ahte oahppit váldet oktavuoda neavvuma ja bagadallama dihtii. Orru leamen nu ahte oahppit, geat ovdal eai duostan bividit veahki, dahje ledje duššástuuvvan doaivumis ahte muhtin sáhtášii veahkehit, fas roahkasmuvvet bividit veahki.

Áittardeaddjí konkrehta neavva buot vírggehasaide lea ahte sii aktiivvalačcat atnet beaivválaš doaibmanvejolašvuđaset go gávn nadit ohppiiguin duddjon dihtii gaskavuđaid sidjiide. Ja ahte sii jámma jearahit ohppiin maid sii sáhttet bargat vai oahppit sáhttet atnit luohttámuša sidjiide ja mitalit ja bividit veahki juos vásihit ahte sii eai leat oadjebasat ja buorre dilis skuvllas.

Áittardeaddjí vásihá ahte systematihkka ohppiid mielváikkuheami hárrái áđasmuvvá oktilačcat, ja eanet skuvllat ángirušset nannet ohppiidráđi gulahallanolbmo rolla. Jahkásaš ohppiidráđekonferánssat mat lágiduvvojít ovttasbarggus Oahppoetáhtain, Ohppiidorganisašuvnnain ja Nuoraid fylkkaráđiin buoridit mearkkašahti mađe oahpaheami oahppidemokratija birra.

Oahppi- ja fidnooahppiáittardeaddjí fuopmáša ahte fylkkadiggi lea mearridan ása hit fidnooahppiárdi ášsenr. 106/22:s, ja vuordá ahte dát ollašuhttojuvvo. Áittardeaddjí vásihá ahte fidnooahppit váldet oktavuoda váilevaš bagadallama ja eahpečielga oahpahanplánaid geažil, juoga mii ráhkada oadjebasmeahttunvuoda oahpaheami ollodahkii gitte fága geahčalemiid rádjai. Áittardeaddjí vásihá ahte rasstildat oahppi dilis fidnooahppi dillái sáhttá leat hástaleaddjí, earenoamážit hearkkes ohppiide, ja ávžuha ahte oahppofitnodagat ja oahpahankantuvrat oahppašuvvet ohppiid hástalusaide nu árrat go vejolaš vai oahpaheapmi fitnodagas sáhttá heivehuvvot.

Oahppi- ja fidnooahppi- ja givssidanáittardeddedjiid jurdagat mañjil skuvlajagi 2021/2022:

Oahppi-, fidnooahppi- ja givssidanáittardeddedjiid jagi 2021 jahkeraporta čuovvuleami dagai fylkkadiggi ášši 96/22 vuolle. Mii čuovvulit guvttiin konkrehta mearkašemiin/evttohusain

1. Leatgo dieđut ohppiide, fidnoohppiide ja ovddasteddjiide albmosat áddehahti gillii?

Oahppit ja fidnooahppit váldet oktavuođa áittardedjiiguin dannego eai gávnna, dahje ádde, dieđuid mat leat fylkkagielldaa ruovttusiidduin. Mo sáhttet dieđut heivehuvvot buoret ja áddehahttii gillii? Mii evttohit ahte vuodđuduvvo bargojoavku mas oahppit ja fidnooahppit maid leat mielde, mii guorahallá ja viidásetgárgeda fylkkagielldaa ruovttusiidduid vai dain leat geavaheaddjiláđđaset dieđut mat leat heivehuvvon dán ulbmiljovkui.

2. Mo válistuvvo buorre rasttildat ohppiide skuvllas oahppofitnodagaide?

Vástdusastis dadjá fylkaráđđi juoidá das makkár barggu skuvllat dahket, muhto ii namat oahppofitnodagaid. Barggus rasttildagain skuvllas oahppofitnodagaide fertejít fitnodagat oažžut doarvái ja rivttes dieđuid fidnoohppiid birra, earenoamážit hearkkes ohppiid hár rái. Sáhttet ovдamearkka dihtii leat oahppit geain lea psychkalaš buohcuvuohta, oahppit geain lea váilevaš giellamáhttua, geat deaividit stuorra hástalusaid go bohtet oahppofitnodahkii mii ii leat doarvái burest ráhkkanan heivehit dili. Vuogádat ferte válistit ahte oahppofitnodagat ožžot doarvái buorre dieđuid ovdal oahpanáiggi.

Mii oaidnit:

Áittardeaddjit oidnet mannan lagi ollodahkii ahte olgušteami vásihäapmi lea juoga mii gearddahuvvo máŋga min áššis, ja ahte leat čanus olgušteami, givssidanproblematihka ja eahpedáhtolaš skuvlajávkama (skuvlariehkideami) gaskkas. Máŋga máná ja nuora garvet dieđiheames dannego ballet buddostallojuvvomis Snitchan (hárrenjálbmin) ja dannego ballet šaddamis vel vearrát dillái juos váidalit. Muhtin birrasiin orru kultuvra leamen nu ahte dat mii lea váttis galgá dollojuvvot bearraša siskkabealde.

Áittardeaddjit oidnet maiddái ahte olgušteami ja givssidanproblematihka áddejupmi ja giedħallan rievddada skuvllas skuvlli. Dat vástidit riekta ja ráhkadir doaibmabijuid, muhto eai čuovvul konkreta daguiguin (main mii čállit siiddus 10). Mii oaidnit ahte čuolbmasátnádeapmi ja doaibmabijut eai leat doarvái konkrechtalaččat doaibmanplánain, ja danne ii addojuvvo virggehasaide vejolašvuohta čuovvulit ja giedħallat áššiid buorre vuogi mielde. Dávjá oaidnit ahte skuvllat njurdet go guoská ovta lágan áddejupmái goappaš oasálačča gaskkas, ja ahte mánáide ja ovddasteddjiide ii addojuvvo vejolašvuohta duodalaččat searvat plánaid ráhkadeapmái.

Áittardeaddjit vásihit ahte oahppanbirasáššiid ain báidnet dat ahte virggehasat ja váhnemati baicca guovdilastet oktagasa ovdal go geahčcat mii dáhpáhuvvá mánáid/nuoraid ja rávesolmuid gaskavuođain geat gávnadit searvevuodas. Ain hállojuvvo givssideddjiid iige givssidanláhttema birra, juogaman mii leat problematiseren kapihtalis «Olgušteami ja searvevuodas mearkašupmi».

Mendo dávjá gullat sihke virggehasat ja váhnemati ahte «dat váhnemati geat duođai galggašedje dán gullat, eai leat dás», ja mii jearrat dalle mii lea mii dagaha ahte váhnemati eai boađe váhnenčoahkkimiidda. Maid velá sáhttet mánáidgárddit, skuvllat, skuvlabiraslávdegottit - SBL, ovttasbargolávdegottit (OBL) ja váhnenlávdegottit (VL) dahkat vai dollojuvvot fátmasteaddji váhnenčoahkkimat?

Áittardeaddjit oidnet ahte stádismeahttunvuohta mii lea mánáidgárddiit ja skuvllaaid bargiidoavkkuin, lassin gáržes rámmaide/vánis resurssaide, váikkuha ja mielldisbuktá leabuhisvuodas mánáid ja nuoraid oahppanbirrasii. Áittardeaddjit oidnet ahte kombinašvdna makkár gealbu ja man galle rávesolbmo leat das rievddadallá, ja mii oaidnit ahte skuvllat dárbašit ollisteaddji gealbbu, ja ahte ohppiin maiddái leat dakkár virggehasat olámuttos geat eai galgga árvvoštallat sin, ovдamearkka dihtii birasbargit. Mátolaččat sáhttit murdilit muhtun lávki majos guvlii áiggis, dan áigái goas mánáidgárddi ja skuvlla virggehasat maiddái ledje gievkkambargit ja viessohoaddárat/doaibmateknihkkarat geat ledje oassi mánáidgárde- ja skuvlaárgabeaivvis. Áittardeaddjit oidnet ahte hástalusat bohciidit daid háviid go dieđut váilot hearkkes mánáid/ohppiid rasttildagain, sihke rasttildagain ruovttus mánáidgárdái, vuodđoskuvlii ja viidáseappot joatkkaskuvlii, ja oahppidilis fidnooahppidillái.

Mii oaidnit maiddái:

Áittardeaddjit vásihit maiddái ahte dáhpáhuvvá olu buorre ja positiiva bargu mieħta min fylkka. Áittardeaddjit vuhttet positiiva rievda virggehasaid ja ovddasteddjiid gaskkas áddejumi dáfus ahte dárbaša suddjet searvevuodaid mánáide, nuoraide ja oahppiguimmiide. Mii oassálastit čoahkkimiidda virggehasaiguin ja váhnemiguin geat sihtet yeahkehit positiiva rievdamii, ja maiddái dahkamii mas ieža yeahkehit. Mii oaidnit positiiva beavttu váhnemii ja rávesolmuid searvamis jierpmálaš vuogi mielde sihke mánáidgárddiin ja skuvllain.

Áittardeaddjit vuhttet ahte mánggas atnet vuogasvuodas dieđihit ja jearahit neavvagiid. Mii vásihit ahte virggehasat ja váhnemati sihtet gealboloktema mii čatnasa dasa maid sii sáhttet bargat eastadit ja giedħallat olgušteami. Áittardeaddjit vásihit ahte máŋga buori ohppiiradhi bidjet māvssolaš árjajid iežaset skuvllaide fátmasteami ja searvevuodas bargguin.

Áittardeaddjit vásihit ahte máŋga skuvlla leat dihtomielalaččat dan dáfus ahte ohppiin galget leat olámuttos máhttoolbmot geat eai galgga leat mielde árvvoštallandilis, omd. leat virgábiddojuvvon eanet birasbargit, ja máŋga ohppiiradhi gulahallanolbmo joatkkaskuvllain eai leat ohppiid oahpaheaddjt Go fidnooahppit ja oahppokandidáhtat dárbašit yeahki, de vásihá áittardeaddji buorre ovttasbargu oahppofitnodaguin, ja eambbosat váldet oktavuođa neavvagiid/bagadallama várás go fuolastuvvet fidnooahppi psychkalaš dearvvasvuodas dáfus, ja váfistan dihtii buori proseassa fidnooahppái oahposoahpamušaid fámuhuhttimiin. Fylkkagielda seahħá árvvoštallat ásahit rutinna ahte fidnooahppit/kandidáhtat eai galgga leat okto fámuhuhttinproseassas, muhto sidjiide seahħá álo fáollojuvvot oahppi- ja fidnooahppiáittardeaddji yeahki go galget fámuhuhttit oahposoahpamuša.

ÁITTARDEDDJIID RÁVVEMAT

1) Mánáidgárde- ja skuvlaeaiggát ferte váfistit analysagealbbu (laðasteallangealbbu) mas lea ollislaš olgušteami, vuortnuheami ja givssideami giedħallangeahċastat (geahċa kapihtala OMNI-modealla hárrái). Okta vuohki dán váfistit lea resursabargojoavkkuid/ gearggusvuodabargojoavkkuid bokte main lea olámuttolaš gealbu go eahpesávahahti dáhpáhusat šaddet.

2) Váfistit mánáide ja nuoraide duohta mielváikkuhusa vuogádatlaš oaħpaheami ja mielváikkuhusa doaimmaheami bokte geavadis (práksisas): Nannet ohppiidgulahallanolbmo rolla.

3) Nannet ovttasbarggu mánáidgárddi/skuvlla ja ruovttu gaskkas nu ahte aktiivvalačċat válidá mielde mánáid, nuoraid ja váhnemiid searvevuoda huksenbargui. Dás lea iešguđetlāgan ovttasbargolávdegottiin vejolašvuhta váldit badjelasaset ovddasvástadusa.

4) Doaimmahit fylkkadigge-mearrádusa 106/22 fidnoohppiidrájiid ásaheamis.



ANALYSALTNJA

Oahppanbirasáššiid giedjahallamis leat iešguđetlágan bohtosat, ja vai áittardeaddjit lihkostuvvet, de áigot sii ovddemusat gearddahit man deatalaš lea álggahit barggu dainna lágiin ahte **GULDALA** ja **DOHKKEHA** mo mánna/nuorra subjektiivvalaččat vásicha iežas dili.

Maŋgilgo leat dovdiidan ja ádden makkár váttisvuoda mánna/nuorra gillá, de fertet smiehttat ja lađastallat (analyseret) dan vai gávnat vejolaš doaibmabijuid ja iešguđetge geainnuid juksanmeari guvlui, mii lea dahkat buoret mánaidgárddi/oahpahanárgabeavvi mánái/nurrii.

Geavat áiggi dán muttus, ja jeara buriid gažaldagaid:

Mo dulkot dan
maid oainnát?

Maid oainnát?

Maid dainna
dagat?

Áittardeaddjit gearddahit sáttasániid, mat leat čuolmma, doaibmabijuid ja juksanmeari konkretiseret ollslaš geahčastagain máná/nuora dihtii. Ollslaš geahčastaga oačut nu ahte geavahat áiggi lađastallanmuddui, jearat buriid gažaldagaid, analyseret ja systematiseret vástdusaid. Dalle gehčojuvvojtit hástalusat ollslašvuodaperspektiivvas, ja olbmos leat stuorát vejolašvuodat bidjat doaibmabijuid. Mii rávvet ahte dát oassi barggus váldojuvvo sierra «analysaltnji»:

GULDALIT

DOHKKEHIT

DAHKAT

ANALYSALTNJA

- Maid mii diehtit?
- Árvvoštallat lágaid ja njuolggasaid geavaheami
- Mo galbat gávnahit maid mii dárbašit diehtit?
- Geat galget váldojuvvot mielde dán bargui?
- Mo galbat váfistit buori dialoga mánáiguin/nuoraiguin, vähnemiíguin ja earáiguin geat leat sorron áššái?
- Gii galgá jođihit barggu?
- Dárbašitgo doarjaga/bagadallama?
- Eará

Foto:Unsplash.com

Dovddiatus analysalanjas

Nugo jagi ovdalge, de vásihit áittardeaddjit ahte givssideami almmustahttinmáhttu lassána dađistaga virggehasaid gaskkas. Mii leat vásihan ahte lassánit jearaldagat oassálastimis ovttas virggehasaiguin smiehttat mo hástalusaid ádde (almmustahtta) ja ságaškušsat konkrehta doaibmabijuid hárrai (gieđahallá). Maŋimuš jagi ollodahkii leat áittardeaddjit oassálastán 41 analysaltnji. Mii vásihit ahte dát analysalanjat leat veahkehan virggehasaid nagadit oaidnit dilálašvuodaid odja geahčančiegas, ja nagadit

dovdáhit sihke makkár gealbu sin iežaset mánaidgárddis dahje skuvllas lea, ja mii väilu. Áittardeaddjit vásihit ahte min sáhttet dustet eahpádusain ja vuosteháguin vuosttas čoahkkimis, muho ahte mii ságastallama ja bagadallama bokte nagadit šaddat buorrin digaštallanguoibmin analysalanjas. Mii eat beroš fasihta buktimis, muho gávdnamis buriid čovdosiid máná/nuora buorrin rámmaeavttuid vuodul mat guoskevaš mánaidgárddis, skuvllas ja oahppofitnodagas leat.

ISKANLISTU DOAIBMANPLÁNA VÁRÁS:

Áittardeaddjit ovdehit ahte buot árvvoštallamat mat dahkkojuvvojt bargadettiin doaibmanplánain atnet vuolggasadjin árvvoštallama mii lea buoremus mánnái (vrd. Mánáidkonvenšvnna artihkal 3:in):

- Leago mánná/ leatgo váhnemát gullojuvvon?
- Leago mánná/ leatgo váhnemát leamaš mielde bargamin plánain?
- Leago máná buoremus válddahuvvon?
- Mo lea skuvla ádden ja válddahan oahppi subjektiiva vásihusa?
- Leago čuolbma mii galgá čovdojuvvot válddahuvvon burez, čielgasit ja áddehahti láhkai buot oasálačcaide?
- Leatgo doaibmabijut konkrehtalačcat ja mihtidahttig golmma suoggis?
 - o Suorgi 1 - doaibmabijut mat áimmahušset su gii lea suojeheapme
 - o Suorgi 2 - doaibmabijut mat áimmahušset su gii / sin geat láhttejít givssideaddjin
 - o Suorgi 3 - doaibmabijut mat čájehit mo áimmahuššá ja njulge buori luohkká- / skuvlabirrasa
- Leago čielga áigeplána doaibmabijuid čađaheami ja árvvoštallama várás?
- Boahtágo čielgasit ovdan geas lea ovddasvástádus doaibmabijuin?
- Leago doaibmabijuid čuovvuleapmi burez kvaliteahttasihkkarastojuvvon?
- Leago ságastallan / ovttasbargu skuvlla ja ruovttu gaskkas nu buorre ahte ovddida oahppi dearvvasvuoden, loaktima ja oahppama?



ROMSSA JA FINNMÁRKKU ÁITTARDEADDJIBÁLVALUS – GEIDNU OVDDAS GUVLUI

Áittardeaddjibálvalus ja guokte ođđa fylkka

Jagi 2024 rájes šaddet Romsa ja Finnmarku fas guoktin fylkan, ja áittardeaddjit leat gealdagasas organiserema ja geainnu hárrái ovddas guvlui. Dál mii leat guokte givssidanáittardeaddji ja okta oahppi- ja fidnooahppiáittardeaddji, geat ovttas gártat bargojoavkun, mii lea organiserejuvvon fylkkadikki vuollai. Bargojoavkun mii atnit alddámet leamen hárjáneami ja fágamáhtu mii lea álkit olámuttolaš máŋgadáfogis áššečuolmmaid birra. Vihtta lagi ollodahkii leat mii huksen áittardeaddjibálvalusa mii lea heivehuvvon min guvlui. Dovddiudusat beaivválaš barggus čájehit ahte mii dárbašit doarjaolbmuid ja bargoškihpáriid geain lea máhttu ja áddejupmi áittardeaddjirolla hálldašeamis. Bálvalus lea hui hearki áibamiid dáfus, ja boahtteáiggi várás ferte huksejuvvot nanu bálvalus mii áimmahuššá áittardeaddjirolla luohttámuša ja sorjjakeahtesvuoda.

Áittardeaddjit leat álggahan ságastallama oktasašáššiid organisašuvdnalávdegottiin ja juohkinproseassa prošeaktajodihangottiin boahttevaš organiserema hárrái.

«Mun lean
matteoahpaheaddji -
hála ráđđeaddiin juos it
loavtte skuvllas»

(muitalus mánáid oastinnávcain)
«mun lean oastán
alccen bodyguards
friijaminuhtaide
(gánda XX jahkásaš)»

«Dahkalutta ahte leat
hállamin telefovnnas,
dahje hálešteamen
mobiillas, dalle ii leat nu
čalmmus ahte dus ii leat
oktage geainna sáhtát
ovttastallat»

(oahpaheaddji neavva oahppái geas ii
leat geainna ovttastallá)



Gráfalaš buvttadeapmi: Fagtrykk Idé as